



Gaed fo Pacific Engagement Visa (PEV) aplikants:

Hao fo lukaut en aplae fo waka onlaen

Disfala gaed bae helpem olketa PEV aplikants luk fo waka insaid Australia, aplae fo rols, en tok wetem olketa empolea.

Lukaut Waka strateji

Strongfala strateji long lukaut wakabae kipim iu oganaes, motiveit, en inkrisim sans blong iu fo faendim rait fala waka. Aplikant mas:

Tritim lukautim waka olsem waka

lukautim waka hem bae no isi. Tekem serious, stap positif, no giv ap en peisens

Mekem deili rutin

Setim long saed evri wik fo lukaut waka

Setim rilistik gols

For exampol, iu mait aplae fo 3-5 waka pe dei, o spendim 3-4 hao aktiviti long lukautim waka pe dei o wik

Kipim rekod blong olketa lukaut waka blong iu

Raitim daun evri waka iu aplae fo hem. Inkludim nao kampani nem, waka taetol, websait link en deit taem iu aplae. Diswan bae helpem iu stei oganaes.

Kontaktim olketa haearing manaja

Kontaktim olketa haearing manaja, long fon o long imeil, savve helpem iu bildim olketa strong rilesonsip Hem impoten fo:

Faendaut abautim oganaeseson yia

Luk fo kontakt diteil blong empolea long kampani websait. Rikruta diteil nomali inklud long end blong olketa waka advataisment

Mekem dairekt kontakt

Introdusim iu seleva go long empolea. Iu savve ask abautim stat deit, rikrutment proses o se iu aplae fo PR (Pemanent Residents) Visa, wich hem PEV, en iu interest nao long rol yia. Diswan bae luk olsem profesinol en bae helpem iu bildim gudfala rilesonsip

Folo ap long aplikesons

Insait Australia, hem nomol fo olketa wea lukaut waka fo kontaktim olketa empolea afta aplae fo waka. Iu savve sendem polait mesej o kol go askem nao proses blong aplikeson blong iu.

Hao fo faendim empolea kontakt diteils

- Insait waka advataiment, sekim if nem o kontakt diteil blong rikruta o haearing manaja inklud.
- If nem blong kampani nomoa olketa givim, iu bae savve faendim moa infomeson long:
 - Websait blong kampani – luk fo ‘Karia’ o ‘Aboutim mifala’ peij wea diteil blong olketa human risos o rikrutment tim mait inklud. Iu bae savve faendim tu ‘Kontakt’ peij wetem olketa nara fon namba o imeil adres wea iu savve usim fo askem diteils blong haearing manaja
 - LinkedIn – lukaut fo peij blong kampani en luktru emplois. Luk fo olketa human risos, rikrutment, o haearing manaja.

If iu no savve faendim kontakt diteils blong empolea, iu no fil daun. Iu stil savve aplae fo waka usim profesinol jenerik gritings insaid kava leta blong iu, olsem “Dia Haearing Manaja” o “Go long Rikrutment Team”. Meksua fo mensionim nem blong oganaeseson insaid long introdakson blong iu fo kipim aplikeson blong iu smat en profesinol.

Ovaviu long Australian waka bods

Hem garem samfala trasted waka bods insaid Australia wea savve helpem iu faendim olketa opotuniti en aplae wetem konfidens. Listed lo daun hem samfala long olketa sait wea usim Olowe.

Tips fo usim waka bods efektivli

Usim waka bods savve seivim iu taem fo iu no misaut long olketa opotuniti. Disfala tips bae helpem iu faendim en impruvim sans blong iu fo rait fala waka.

- Filim aut ful onlaen profael blong iu fo mekem hem isi fo empolea faindim iu
- Setim ap alet fo olketa waka wea matchim skills blong iu en lokeson wea iu laekem
- Usim kiwods rileit long skills en waka interest blong iu
- No rilae long wanfala waka bod nomoa. Olketa difrent empolea usim difrent websait
- Sekim evri big platfom Olowe, olketa niu waka savve post ap evritaem
- If iu luk fo spesiolist waka, sekim indastri-spesifik waka bods.

SEEK ([seek.com.au](https://www.seek.com.au))

- Bigfala waka websait blong Australia, wetem tausand fala list fo waka
- Iu savve aplodim resume blong iu, mekem alet, en lukim salari gaed en kampani rivirus.

Indeed Australia ([indeed.com.au](https://www.indeed.com.au))

- Globol waka plafom wetem staka Australian listings
- Kolektim waka from nara kampani en websait en olketa nara bods
- Ofarem simpol lukaut filtas.

Australian JobSearch ([jobsearch.gov.au](https://www.jobsearch.gov.au))

- Ofisol gavman waka websait
- Fri fo usim
- Inkludim entri-level waka en aprentisship.

LinkedIn ([linkedin.com](https://www.linkedin.com))

- Globol profesinol networking sait wetem big waka bod
- Olketa waka posted from olketa empolea en rikruta
- Iu savve setim ap fri profael fo som skills en experiens blong iu, en konekt wetem olketa empolea.



Kontaktim PEV Emploement Sapot Sevis

PEV Emploement Sapot Sevis lo hia fo:

- Sapotim iu wetem lukautim waka blong iu
- Helpem iu tok konfidentli wetem olketa empolea
- Verifaem waka ofa blong iu fo sekim dat hem mitim visa rikwaeaments
- Tok go stret wetem empolea long bihaf blong iu abautim stat deit o kontrakt diteils
- Provaedim iu wetem olketa risos fo helpem iu pripea fo waka insaid Australia.



Faendim aut moa abautim PEV Emploement Sapot
Sevis long pev.gov.au

Long websait blong mifala, iu savve explorem
moa risos, inkludim emploement fakt fael en
resume templets. Iu savve sain ap fo Emploement
Infomeson Seson tu fo lanem moa about faendim
waka insait Australia.

